

hæc loquenti iratus fuerit, de se dictum fatebitur, A vel alias auctor asserit.

Talia igitur et ejusmodi quisquis adhuc damnabiliter præsumit, vel nihil scilicet, vel parum metuens veritatem, et ipsius judicium, negat audacter (contra eam) prædestinatos esse reprobos ad perenne supplicium, ille scilicet qui non timet eamdem sibi veritatem in extremo die cunctis auditibus dicere. En ego nunc jure negate, quia tu injuste quondam negasti me. Talis (inquam) si vult et audet veritatem neget, qui eam non metuit offendere, cuius die no-
ctuque nobiscum pariter eget. Nos vero ab eadem auditores veritatem: *Dies ultionis in corde meo (Isa. lxiii, 4)*; et: *Ecce Deus noster ultionem adducet re-*

A Hic deest aliquid.

tributionis (Isa. xxxv, 4): hanc ita noxiam conculemus falsitatem, et prædicemus veritatem, quo nostri misereatur eadem Veritas Deus meus Deique Filius, et nunc et tunc in die veniens ultionis: si enim vere timuerimus furorem fallacium a dummodo placere possimus illi qui nos regat ac protegat, ac contra rabiem grassantium muniat in ævum. Amen.

Domine Deus (benedicta simul et invicta Trinitas et unitas), infunde, quæso, legentibus hæc credendi fidem, et credentibus confitendi largire virtutem. Corde autem credentibus ad justitiam, et ore confessantibus ad salutem (Rom. x, 10), retribue copiosæ mercedis amplitudinem, et æternæ tecum lucis beatitudinem. Amen.

FRAGMENTA OMNIA

QUÆ EXSTANT

Libelli per Gotteschalcum Rabano archiepiscopo Moguntino in placito Moguntiæ oblati, anno 848.

(Ex Hinckaro Rhemensi in opere de Prædestinatione.)

ART. I. — *De gemina prædestinatione.*

(HINCMAR., *de Prædest.*, cap. 5, p. 25.) Ponamus quæ Gotteschalcus, signifer et prævius atque hujus prævæ doctrinæ resuscitator, de primo capitulo unde versatur quæstio, in libro suæ virosæ conscriptionis archiepiscopo Rabano porrecto scribit, dicens: « Tandem, inquit, legi librum, venerande pontifex, tuum in quo positum reperi quod impii quoque sive reprobi non sint divinitus ad damnationem prædestinati. » Et post aliquanta: « Præscivit, inquam, illos pessimum habitu os ortum, pejorem obitum; prædestinavit autem eos ad lucendum perenne tormentum, et sempiternum interitum. » Et iterum post aliquanta: « Quia revera sicut electos omnes prædestinavit ad vitam per gratuitum solius gratiae suæ beneficium, quemadmodum Veteris et Novi Testamenti paginæ manifestissimum præbent solerter ac sobrie considerantibus indicium: sic omnino et reprobos quoque ad æternæ mortis prædestinavit supplicium, per justissimum videlicet incommutabilis justitiae suæ judicium. »

ART. II. — *De libero arbitrio.*

(HINCMAR., *ibid.*, cap. 21, pag. 418.) Inde et Gotteschalcus, modernus Prædestinatianus, in libello ad Rabanum archiepiscopum Moguntinum dicit ad locum: « De quo videlicet libero arbitrio quod Ecclesiæ Christi tenendum sit atque credendum, cum a cæteris catholicis Patribus evidenter sit Deo gratias disputatum, tum præcipue contra Pelagianos et Cœlestianos a beato Augustino plenius et überius

B diversis in opculis, et maxime in Hypomnesticon esse cognoscitur inculcatum. Unde te potius ejusdem catholicissimi doctoris fructuosissimis assertiōnibus incomparabiliter, inde quoque malueram niti, quam erroneis opinionibus Massiliensis Gennadii, qui plerisque præsumpsit in locis tam fidei catholicæ quam beatorum etiam Patrum invictissimis auctoritatibus, infelici Cassiani perniciosum nimis dogma secuens, reniti. »

ART. III. — *De voluntate Dei.*

Et Gotteschalcus, modernus Prædestinatianus, in libro ad Rabanum archiepiscopum Moguntinum: « Omnes, inquit, quos vult Deus salvos fieri sine dubitatione salvantur: nec possunt salvari, nisi quos Deus vult salvos fieri: nec est quisquam, quem Deus salvari velit, et non salvetur, quia Deus noster omnia quæcumque volvit fecit. »

Gotteschalcus, novorum Prædestinatianorum primicerius, in præfato suo libello ad Rabanum scriperat: « Omnes et omnes debere intelligi, id est omnes qui salvantur. De quibus dicit Apostolus: Qui vult omnes homines salvos fieri, et omnes qui non salvantur, quos non vult Deus salvos fieri. »

ART. IV. — *De morte Christi.*

Gotteschalcus, novorum Prædestinatianorum signifer, in libello ad Rabanum archiepiscopum Moguntinum ita dicit ad locum: « Illos omnes impios et peccatores, quos proprio fuso sanguine Filius Dei redimere venit, hos omnipotens Dei bonitas ad vitam prædestinatos irretractabiliter salvari tantummodo

velit. Et rursum : « Illos omnes impios et peccatores, pro quibus idem Filius Dei nec corpus assumpsit, nec orationem, nec dico sanguinem fudit : neque pro eis ullo modo crucifixus fuit. Quippe quos pessimos futuros esse prescivit, quosque justissime in æterna precipitandos tormenta praefinivit, ipsos omnino perpetui salvari penitus nolit. »

Gotteschalci in saepe fato suo libello ad Rabanum archiepiscopum scripsit : « Proinde quod fidelissime credo, fidemissime loquor, et certissime pariter ac fructuosisse confiteor, atque veracissime profiteor : quod Deus noster omnipotens, omnium creaturarum conditor et factor, electorum tantummodo cunctorum gratuitus esse reparator dignatus est et resector ; nullius autem reproborum perpetualiter esse voluit Salvator, nullius redemptor et nullius coronator. »

Inde et in chartula sue professionis ad eundem Rabanum archiepiscopum ita dicit : « Ego Gotteschalcius credo et confiteor, profiteor et testificor, ex Deo Patre per Deum Filium, in Deo Spiritu sancto, et affirmo et approbo coram Deo et sanctis ejus quod gemina est prædestinatio sive electorum ad requiem, sive reproborum ad mortem. Quia sicut Deus incommutabilis ante mundi constitutionem omnes electos suos incommutabiliter per gratiam suam prædestinavit ad vitam æternam ; similiter omnino omnes reprobos qui in die judicii damnabuntur propter ipsorum mala merita, idem ipse incommutabilis Deus per justum judicium suum incommutabiliter prædestinavit ad mortem merito sempiternam. »

EPISTOLA GOTTESCHALCI AD RATRAMNUM.

(Apud Cellotiam, Hist. Gotteschalci, p. 414.)

Age, quæso, perge, Clio,
Remeando corde fido :
Propera, celer virago,
Repeda, sagax propago ;
Cui frater est Apollo :
Ob id hoc, velut volando,
Fer amico ovans Ratramno,
Domino, Patri, magistro,
Calamo metrum impolito :
Quod ei libens remitto,
Celebri viro, et corusco.
Amo quem satis profecto,
Animo pio ac benigno :
Datur ut mihi maligno
Ab eo Deo, bonum qui
Dabit omni flagitanti,
Sine quo nihil fore nulli
Valet, ut liquet, alurano ;
Igitur velut petita
Es, abi, mora nec ulla.
Tenebris, ac decorâ
Videas sodalis ora.
Bis enim venis ab illo
Speciosa jam magistro,
Adimens fel, imprimens mel,
Reflicis os ^a alumni
Dape dulci, odore suavi,
Ubi vides sedentem,
Alios probe docentem,
Rogitent Deum potentem,
Det ut his piam quietem :
Rogo dic jugem salutem.

B 1. Septeno Augustus decimo præbente Kalendas, Solis equi dulcem effilarunt ubi nubibus ignem, Fluctibus Oceani capita atque jubar madefacti, Assuetum ad cursum properantes vertere currum : Splendida jam toto cesserunt sidera coelo. Pallida germano cessit quoque Cynthia Phœbo : Solus jamque citis quadrigam agitatbat habenis ; Jamque jubar mundo fundebat amabile quadro ^b : Jamque nitore novo, ac splendore micabat opimo, Clara et luce suam reddebat cuique figuram. Gaudebat tenebras procul omnis terra fugatas, Atque mihi applaudens, veluti presaga boni mens, Tripudiabat ovans solito magis, atque triumphans, Artibus et cunctis hilarandi inerat potior vis. Cum mihi gratuito data sunt subito metra dono
C Celsithroni regis de parte relata sodalis, Dulcia melle magis trans lumen fulgida solis.

D 2. Quæ sitiebat, uti, mea mens, sub sidere Cancri Messor amat resici fontis dulcedine puri, Tabidus atque fame recreari vult quoque pane : Algidus utque focum, ut exoptat nudus amictum ; Exsul ita patriam, seu terram naufragus imam : Utique situs tenebris cupid almæ munera lucis.

3. Haud secus egregias mea nunc cupiebat egestas Quas tua nobilitas deprompsit, amice, Camœnas, Insignes, pulchras, dulces habilesque, venustas, Famine perspicuas, et vero pignore puras ^c : Scematibus validas, tropicoque lepore coruscas Simplicitate probas, humili pietate decoras : Cum sale conditas, cum pacis amore politas ; Quas equidem sanctum dictasse reor tibi Flatuin.

^a Forte leg. *tui os.*
^b In quatuor partes, orientis, occidentis, etc., diviso.

^c Quid est verum pignus? An fortasse veri pignora?